



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A.nr. 56/2012

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Muhamet Rexha kryesues, Nehat Idrizi dhe, Rafet Haxhaj anëtarë, duke vendosur përkitazi me ankesat e subjektit politik Partia Demokratike e Kosovës (PDK), dega në Ferizaj dhe Lëvizja vetëvendosje (LVV), dega në Ferizaj, paraqitur kundër subjektit politik Aleanca për Ardhmërinë e Kosovës (AAK), dega në Ferizaj, për shkak të vendosjes së posterave në objekte publike, në seancën e panelit të mbajtur me 28.04.2012, mori këtë:

V E N D I M

I. MIRATOHEN si të bazuar ankesat Anr. 56/2012 datë 24.04.2012, e subjektit politik Partia Demokratike e Kosovës (PDK), dega në Ferizaj dhe Anr. 61/2012 datë 25.04.2012, e Lëvizjes Vetëvendosja (LVV), dega në Ferizaj, lidhur me vendosjen e posterave në objektin Komunal në Ferizaj nga ana e AAK-së dhe për këtë Aleancës për Ardhmërinë e Kosovës (AAK), dega në Ferizaj, i shqiptohet dënimi më gjobë në vlerë prej 1500 (njëmijepesëqind) euro, të cilën detyrohet të paguaj në afat prej 15 (pesëmbëdhjetë) dite nga dita e pranimit të këtij vendimi, për tu dërguar pastaj në Buxhetin e Republikës së Kosovës.

II. Refuzohet si e pabazuar ankesa Anr. 56/2012 datë 24.04.2012, e subjektit politik Partia Demokratike e Kosovës (PDK), dega në Ferizaj Ndërsa sa i përket pretendimeve ankimore lidhur me vendosjen e posterit nga ana e AAK-së në objektin e hekurudhave në Ferizaj.

Arsyetim

PZAP, me datën 24.04.2012, ka pranuar një ankesë A nr. 56/2012 nga subjekti politik PDK dega në Ferizaj me të cilin pretendon se subjekti politik AAK, dega Ferizaj, me datën 23.04.2012, ka shfrytëzuar objektet dhe hapësirat publike komunale duke i vendosur posterat e kandidatit të saj për kryetar komune në Ferizaj, ku me ç'rast ka shkelur Rregullën Zgjedhore 13/2009.

Parashtruesi i ankesës si provë ka bashkangjitur disa foto si dëshmi nga vendi i ngjarjes.

PZAP-i, ka pranuar një ankesë me datën 25.04.2012, më Anr. 61/2012 nga LVV, në të cilën pretendohet se me datën 24.04.2012 në ora 21:30 në objektin e komunës së Ferizajt, gjatë fushatës zgjedhore nga anëtarët e subjektit politik AAK, janë vendosur posterat e kandidatit të AAK-së kryetar të komunës së Ferizajt Naim Ferati.

Me këtë rast parashtruesi i ankesës pretendon se është bërë shkelja e nenit 33 pika a e LZP-së dhe Kodit të Mirësjelljes për subjektet politike, Rregulla Zgjedhore Nr. 11/2009

Në kuptim të nenit 4 paragrafi 3 të Rregullave dhe Procedurave të PZAP-it:

PZAP-i, e informoi subjektin politik AAK, më datë 24.04.2012, për ankesën Anr.56/2012, që është bërë ndaj këtij subjekti politik nga ana e PDK-së dhe ka kërkuar që të përgjigjet ndaj ankesës deri më datë 25.04.2012, në ora 12:00.

PZAP-i, me datën 25.04.2012, mori përgjigjen e kërkuar nga AAK lidhur me ankesën Anr.56/2012, e paraqitur nga PDK-ja, në të cilën theksohet se parashtruesi i ankesës gjegjësisht subjekti politik PDK, nuk ka ofruar fakte nëse ato hapësira në të vërtetë janë objekte publike apo jo si dhe nuk vërehet asnjë tabelë njoftuese nëse objektet në fjalë janë ato për të cilat pretendohen pala ankuese, më tutje në përgjigje të ankesës theksohet se materiali zgjedhor është vendosur enkas për fotografim dhe janë larguar materialet tjera që kanë qenë të vendosura aty.

Në kuptim të nenit 4 paragrafi 3 të Rregullave dhe Procedurave të PZAP-it:

PZAP-i, e informoi subjektin politik AAK, më datë 26.04.2012, për ankesën Anr.61/2012, që është bërë ndaj këtij subjekti politik nga ana e LVV dhe ka kërkuar që të përgjigjet ndaj ankesës deri më datë 27.04.2012, në ora 12:00.

PZAP-i, me datën 27.04.2012, mori përgjigjen e kërkuar nga AAK lidhur me ankesën Anr.61/2012, e paraqitur nga LVV-ja, në të cilën potencohet se shtabi zgjedhor i AAK-së, nuk ka bërë vendosjen e materialit në fjalë në mënyrë të organizuar dhe nuk merr përgjegjësinë e vendosjes së materialit në fjalë, pasi që materiali zgjedhor i kandidatit për kryetar të komunës së Ferizajt Naim Ferati nga radhët e subjektit politik AAK janë publike dhe si të tilla mundë të posedohen nga secili qytetar dhe për këtë arsye shtabi zgjedhor e ka të pamundur të kontrolloj qarkullimin dhe vendosjen e tyre.

Meqenëse kemi të bëjmë me dy raste të njëjta edhe pse ankesat janë të parashtruara në PZAP nga subjektet e ndryshme politike, PZAP-i duke i bazuar në nenin 6.3 të Rregullave dhe Procedurave të tij vendosi t'i bashkoi këto dy ankesa si në vijim:

6.3 Me qëllim të lehtësimit të shqyrtimit të ankesave, Kryesuesi i Panelit mund të vendos ta bëjë bashkimin e ankesave që përmbajnë në vete çështje të ngjashme, paneli vendim- marrës i trajton ato ankesa sikurse të ishin një ankesë.

Nga procesverbali i datës 27.04.2012, i përpiluar pas verifikimit dhe hetimit të pretendimeve ankimore, i bërë në vendin e ngjarjes nga PZAP-i, lidhur më pretendimet e ankimore të bëra me ankesën Anr.56 dhe Anr.61/2012, sa i përket vendosjes së posterave në objektin komunal të Ferizajt po ashtu nga video incizimi i bërë në vendin e shkeljes së supozuar rezulton se posterat e subjektit politik AAK kanë qenë të vendosura në objektin komunal të Ferizajt. Gjatë hetimeve PZAP-i ka vërejtur dhe konstatuar se subjekti politik AAK ka bërë përpjekje serioze për evitimin e shkeljes së supozuar brenda një periudhe të shkurtër kohore i kanë larguar posterat nga objekti komunal.

Ndërsa sa i përket pretendimeve ankimore lidhur më ankesën Anr. 56/2012, që ka të bëjë me vendosjen e posterave në objektin e hekurudhave, nga hetimi i zhvilluar dhe nga fotografit e bëra nga ana e PZAP-it më datë 27.04.2012, nuk ka qenë e mundur të identifikohet se në objektin e hekurudhave kanë qenë të vendosura posterat e subjektit politik AAK siç pretendohet në ankesën Anr.56/2012.

Veprimet e Ndaluar të Subjekteve Politike

Dispozita ligjore e Neni 33 pika (b) i LZP-së dhe neni 3 paragrafi 1 pika (b) e Rregullës Zgjedhore Nr.11/2009, parashohin se:

Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjërës si në vijim:

b) vendosja e njoftimeve, pllakateve dhe posterave, ose përndryshe vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve.

Përmirësimet dhe sanksionet ndaj shkeljeve

Neni 120 paragrafi 1 pika (c) i LZP-së, parasheh se:

Në rast se PZAP-i përcakton se ka ndodhur shkelje e këtij ose rregullave të KQZ-së, mund të:

c) të vendos një gjobë ndaj një subjekti politik në vlerë deri pesëdhjetëmijë Euro (€50,000).

PZAP-i, pasi që shqyrtoj dhe analizoi shkresat e lëndës gjeti se:

Ankesa është e bazuar.

PZAP-i, përcaktimin e lartësisë së gjobës të vendosur në dispozitiv të këtij vendimi ndaj subjektit politik për ndonjë shkelje, ka marrë parasysh faktorët në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;

- Nëse subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Nëse subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë;
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Nga fotografia e dorëzuara si provë dhe nga procesverbali i përpiluar dhe video incizimi i zhvilluar në vendin e ngjarjes nga PZAP-i me datë 27.04.2012, e që gjenden në shkresat e lëndës shihet se posterat e kandidatit për kryetarë të komunës së Ferizajt, Naim Ferati nga radhët e subjektit politik AAK-së kanë qenë të vendosura në objektin komunal të Ferizajt siç ishte pretenduar në ankesat Anr.56 dhe Anr.61/2012, veprim të cilin PZAP-i e konstaton se është në kundërshtim me dispozitat e lartcekura ligjore. PZAP-i, pasi që shqyrtoi dhe vlerësoi ankesën, mori parasysh të gjitha rrethanat lehtësuese dhe rënduese. PZAP-i mori si rrethanë lehtësuese përpjekjet serioze që i kishte bërë subjekti politik AAK për evitimin e shkeljeve të supozuar ngase ika larguar posterat nga objekti komunal brenda një periudhe të shkurtër kohore, mirëpo nga mbetja e disa pjesëve të vogla të posterave të vendosura në murin e objektit komunal, është vërejtur se posterat ishin të subjektit politik AAK, ndërsa si rrethana rënduese PZAP-i gjeti se AAK ka bërë shkelje të Kodit të Mirësjelljes për Subjektet Politike, Mbështetësit e tyre dhe Kandidatët, e cila rrethanë ndikon në lartësinë e dënimit të shqiptuar më gjobë. Nga të gjitha arsyet e sipërsënuara dhe më qëllim të evitimit të shkeljeve të pretenduara në ankesë e në kuptim të nenit 115.1 të LZP-së, PZAP-i, vendosi si në dispozitiv të këtij vendimi.

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoba e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*

Paneli Zgjedhor për Ankesa dhe Parashtrës

A nr. 56/2012 më datën 28.04.2012

